



玉函山房輯佚書

口 11
1236
44

田十四



六
十
九

門 46801
1.236
卷 44



論語孔氏訓解卷六

先進第十一

子曰先進於禮樂野人也後進於禮樂君子也

先進後進謂士先輩後輩也禮樂因世損益後進

與禮樂俱得時之中斯君子矣先進有古風斯野

人也

皇本高麗本作何曰釋文引首
句作包○邢本作孔曰今從之

子曰德行顏淵閔子騫冉伯牛仲弓政事冉有季路

言語宰我子貢文學子游子夏

史記引作孔子曰政
事冉有季路在言語

宰我子貢上物觀補遺本
德行有子曰與史記合

受業身通者七十有七人皆異能之士也史記仲尼列傳

引孔子曰云云下接德行一節蓋約用孔氏義据補

子曰回也非助我者也於吾言無所不說

助猶益也言回聞言即解無可發起增益於己也

集解

南容三復白珪之玷孔子以其兄之子妻之史記仲尼弟子

列傳引作白珪有之玷二字

詩云白珪之玷尚可磨也斯言之玷不可為也南

容讀詩至此三反覆之是其心慎言也集解○史記仲尼弟

子列傳集解引作珪

顏淵死顏路請子之車以為之椁

顏路淵之父也家貧故欲請孔子之車賣以作椁

集解○史記仲尼弟子傳云顏回死顏路貧請孔子車以葬蓋約孔注義○史記集解引末句

子曰材不材亦各言其子也鯉也死有棺而無椁吾

不徒行以為之椁以吾從大夫之後不可徒行也史記

才作材

鯉孔子之子伯魚也孔子時為大夫故言吾從大

夫之後不可徒行是謙之辭也集解○史記仲尼弟子傳集解

顏淵死子哭之慟從者曰子慟矣曰有慟乎非夫人

之為慟而誰為慟皇本高麗本為下有慟字案文選潘安仁夏侯常侍誄云非子為慟

吾慟為誰是古本有慟字

不自知己之悲哀過也集解

曰若由也不得其死然皇本若上有曰字

不得以壽終也集解

子貢問曰師與商也孰賢乎子曰師也過商也不及

皇本問下有曰字賢下有平字

言俱不得中也集解

季氏富於周公而求也為之聚斂而附益也皇本作附益也

周公天子之宰卿士也冉求為季氏宰為之急賦

稅也集解

參也魯

魯鈍也會子遲鈍也集解○史記仲尼弟子傳集解○文選劉公幹贈五官中

郎將詩注○釋元應出曜論音義須密所集論音義雜譬喻經瑜伽論音義大菩薩藏經音義並引

句首

子張問善人之道子曰不踐迹亦不入於室

踐循也言善人不但循追舊迹而已亦少能創

業然亦不能入於聖人之奧室也

集解

子路問聞斯行諸子曰有父兄在如之何其聞斯行

之也

皇本高麗本行之下有也字

當白父兄不得自專也

集解○史記仲尼弟子傳集解

冉有問聞斯行諸子曰聞斯行之公西華曰由也問

聞斯行諸子曰有父兄在求也問聞斯行諸子曰聞

斯行之赤也惑敢問

惑其問同而答異也

集解○史記仲尼弟子傳云子華怪之敢問問同而答異

約孔注義

孔子曰求也退故進之由也兼人故退之

史記仲尼弟子傳引

作孔子曰

子畏於匡顏淵後

言與孔子相失故在後也

集解○史記孔子世家集解

季子然問仲由冉求可謂大臣與

季子然季氏之子弟也自多得臣一子故問之也

集解

子曰吾以子為異之間曾由與求之間

謂子問異事耳則此二人之間安足為大臣乎

所謂大臣者以道事君不可則止今由與求也可謂具臣矣

言備臣數而已也集解

曰然則從之者與

問為臣皆當從君所欲邪集解

子曰弑父與君亦不從也

二子雖從其主亦不與為大逆也集解

子路使子羔為費郈宰孔子曰賊夫人之子子路曰有民人焉有社稷焉何必讀書然後為學史記仲尼弟子傳引

作費郈宰
孔子曰

言治民事神於是而習亦學也集解○史記仲尼弟子傳集解

子曰是故惡夫佞者

疾其以口給應遂己非而不知窮者也集解○史記仲尼弟子傳

子傳
集解

子路曾皙冉有公西華侍坐子曰以吾一日長乎爾毋吾以也

曾皙曾參父名箴也集解○史記仲尼弟子傳集解○案集解作點據史記改

言我問女女無以吾長故難對也集解

居則曰不吾知也如或知爾則何以哉

女常居云人不知己也如有用女者則何以爲治

乎集解

求爾何如對曰方六七十如五六十求也爲之比及

三年可使足民也如其禮樂以俟君子皇本高麗本足民下有也

字

求自云能足民而已謂衣食足也若禮樂之化當

以待君子謙之辭也集解

箴爾何如鼓瑟希鏗爾舍瑟而作對曰異乎三子者

之撰

思所以對故其音希也置瑟起對也撰具也爲政

之具也鏗爾者投瑟之聲也集解○文選潘安仁藉田賦注引撰具也

子曰何傷乎亦各言其志也

各言己志於義無傷之集解

曰莫春者春服既成冠者五六月童子六七月浴乎

沂風乎舞雩詠而歸夫子喟然歎曰吾與箴也釋文鄭曰

饋饋酒食也魯讀饋爲歸今從古史記仲尼弟子傳作夫子喟爾歎曰吾與箴也

魯設雩祭於沂水之上莫者晚也春謂四月也春

服既成謂四月之服成也冠者童子雩祭樂人也

浴乎沂涉沂水也象龍之從水中出也風乎舞雩

風歌也詠而歸者詠歌饋祭也歌詠而祭也王充論衡

明雩篇○案鄭以古文為饋陳氏鱸引之以為用古說據補

唯求則非邦也與安見方六七十如五六十而非邦

也者唯赤則非邦也與宗廟之事如會同非諸侯而

何赤也為之小相孰能為之大相皇本高麗本作宗廟之事如會同小

字下大字下並有相字

明皆諸侯之事與子路同徒笑子路不讓也赤謙

言小相耳孰能為大相者也集解

顏淵第十二

為仁由己而由人乎哉

行善在己不在人者也集解

仲弓問仁子曰出門如見大賓使民如承大祭

為仁之道莫尚乎敬也集解○史記仲尼弟子傳集解引下句

司馬牛子曰仁者其言也訥

訥難也牛宋人弟子司馬犁也集解○釋文○史記仲尼弟子傳集

解引上句

曰其言也訥斯可謂之仁已矣乎子曰為之難言之

得無訥乎 皇本高麗本作斯可謂之仁已矣乎

行仁難言仁亦不得不難矣 集解○史記仲尼弟子傳集解

司馬牛問君子子曰君子不憂不懼

牛兄桓魋將為亂牛自宋來學常憂懼故孔子解

之 集解○史記仲尼弟子傳集解

自古皆有死民無信不立

死者古今常道也人皆有之治邦不可失信也 集解

文猶質也質猶文也虎豹之鞞猶犬羊之鞞也 說文解字

引論語虎豹之鞞皇本高麗本作猶犬羊之鞞也

皮去毛曰鞞虎豹與犬羊別者正以毛文異耳今

使文質同者何以別虎豹與犬羊邪 集解○釋文引首句

曰二吾猶不足如之何其微也

二謂十二而稅也 集解○周禮考工記匠人疏引作鄭曰

對曰百姓足君孰與不足百姓不足君孰與足

孰誰也 集解

齊景公問政於孔子孔子對曰君君臣臣父父子子

當此時陳恒制齊君不君臣不臣父不父子不子

故以此對也

集解○史記仲尼弟子傳集解

公曰善哉信如君不君臣不臣父不父子不子雖有

粟善豈得而食諸

皇本高麗本吾下並有豈字

言將危也陳氏果滅齊也

同上

子曰片言可以折獄者其由也與

片猶偏也聽訟必須兩辭以實是非偏信一言以

折獄者唯子路可也

集解○史記仲尼弟子傳集解

季康子患盜問於孔子孔子對曰苟子不欲雖賞之

不竊

皇本高麗本上句無之字

欲多情欲也言民化於上不從其所令從其所好

也集解

季康子問政於孔子曰如殺無道以就有道何如

就成也欲多殺以止奸也

集解

孔子對曰子為政焉用殺子欲善而民善矣君子之

德風也小人之德艸也艸尚之風必偃

皇本高麗本風下艸下並

有也字上作尚

亦欲令康子先自正也偃仆也加艸以風無不仆

者猶民之化於上也

集解

先事後得非崇德與

先勞於事然後得報也集解

子夏曰富哉言乎舜有天下選於眾舉臯陶不仁者

遠矣湯有天下選於眾舉伊尹不仁者遠矣

富盛也言舜湯有天下選擇於眾舉臯陶伊尹則

不仁者遠矣仁者至矣集解

曾子曰君子以文會友以友輔仁

友以文德合也友有切磋之道所以輔成己之仁

也集解

論語孔氏訓解卷七

子路第十三

子路問政子曰先之勞之請益曰無倦

勞如字釋文先導之以德使民信之然後勞之易曰

說以使民民忘其勞也子路嫌其少故請益曰無

倦者行此上事無倦則可也集解○史記仲

舉爾所知爾所不知人其舍諸

汝所不知者人將自舉之各舉其所知則賢才無

遺也集解

野哉由也

野猶不達也

集解○史記孔子世家集解

禮樂不興則刑罰不中

禮以安上樂以移風二者不行則有淫刑濫罰也

集解○史記孔子世家集解邢本並作孔曰皇本作包咸曰

上好信則民莫敢不用情

情情實也言民化其上各以情實應也

集解○史記仲尼弟

子傳集解

子適衛冉子僕子曰庶矣哉

皇本作冉子

孔子之衛冉有御也庶衆也言衛民衆多也

集解

子曰苟有用我者期月而已可也三年有成

言誠有用我於政事者期月而可以行其政教必

三年乃有成功也

集解○史記孔子世家集解

子曰善人爲邦百年亦可以勝殘去殺矣誠哉是言也

古有此言故孔子信也

集解

子曰如有王者必世而後仁

三十年曰世如有受命王者必三十年仁政乃成

也集解

定公問一言而可以興邦有諸孔子對曰言不可以

若是其幾也人之言曰為君難為臣不易如知為君

難也不幾乎一言而興邦乎皇本難也

事不可以一言而成也知如此則可近也集解

曰一言而可以喪邦有諸孔子對曰言不可以若是

其幾也人之言曰予無樂乎為君唯其言而樂莫予

違也皇本喪邦上有可以二字

言無樂乎為君所樂者唯樂其言而不見違也集解

者惡之

善人善己惡人惡己是善善明惡惡著也集解

子曰君子易事而難說也

不責備於一人故易事也集解

說之不以道不說也及其使人也器之

度才而任官也集解

憲問第十四

憲問恥子曰邦有道穀邦無道穀恥也

穀祿也邦有道當食其祿也君無道而在其朝食

其祿是恥辱也

集解○史記仲尼弟子傳集解

南宮括問孔子曰

史記仲尼弟子傳適作括問下無於字

括南宮敬叔魯大夫也

集解○史記仲尼弟子傳集解引云容魯人

吾善歟寡盪舟俱不得其死然

說文解字引論語曰吾善歟寡引論語

曰寡盪舟

吾有窮之君也篡夏后相之位其臣寒浞殺之因

其室而生寡寡多力能陸地行舟為夏后少康所

殺也此二子者皆不得以壽終也

集解○史記仲尼弟子傳集解

○案集解引孔說吾從今文作羿據說文改

如其善而莫之違也不亦善乎如不善而莫之違也不幾乎一言而喪邦乎

人君所言善無違之者則善也其所言不善而無

敢違之者則近一言而喪國也

集解

子夏為莒父宰問政子曰無欲速無見小利欲速則不達見小利則大事不成

事不可以速成而欲其速則不達矣見小利妨大

事則大事不成也

集解

葉公語孔子曰吾黨有直躬者

直躬直身而行也集解躬身也支釋

行己有恥

有恥有所不為也集解

子曰南人有言曰人而無恒不可以作巫醫善夫

南人南國之人也集解

不恒其德或承之羞

此易恒卦之辭也言德無常則羞辱承之也集解

子貢問曰鄉人皆好之何如子曰未可也鄉人皆惡

之何如子曰未可也不如鄉人之善者好之其不善

禹稷躬稼而有天下孔子弗答容出孔子曰君子哉

若人上德哉若人史記仲尼弟子傳夫子作孔子不

作弗南宮述出作容出于日上有

賤不義而貴有德故曰君子也集解○史記仲尼弟子傳集解

子曰君子而不仁者有矣夫未有小人而仁者也

雖曰君子猶未能備也集解

子曰愛之能勿勞乎忠焉能勿誨乎

言人有所愛必欲勞來之有所忠必欲教誨之也

集解

裨諶艸創之

裨諶鄭大夫名也謀於野則獲謀於國則否鄭國將有諸侯之事則使乘車以適野而謀作盟會之

辭也集解

或問子產子曰惠人也

惠愛也子產古之遺愛也集解

問管仲曰人也奪伯氏駢邑三百飯蔬食沒齒無怨

言皇本高麗本疏作蔬

伯氏齊大夫駢邑地名也齒年也伯氏食邑三百

家管仲奪之使至蔬食而沒齒無怨言以當其理

政也集解○文選曹子建責躬詩注引齒年也

子曰孟公綽為趙魏老則優不可以為滕薛大夫也

釋文公綽本又作綽案綽古文也皇本高麗本大夫下有也字

公綽魯大夫也趙魏皆晉卿也家臣稱老公綽性寡欲趙魏貪賢家老無職故優滕薛小國大夫職煩故不可為也集解

文之以禮樂

加之以禮樂文成也集解

久要不忘平生之言

久要舊約也平生猶少時也集解。文選陸士衡歎逝賦注又沈休文

別范安成詩注並引下句

子問公叔文子於公明賈曰信乎夫子不言不笑不取乎

公叔文子衛大夫公孫枝也文諡也集解

子曰臧武仲以防求為後於魯雖曰不要君吾不信也

防武仲故邑也為後立後也魯襄公二十三年武

仲為孟氏所譖出奔邾自邾如防使為以大蔡納

請曰紇非敢為害也知不足也非敢私請苟守先

祀無廢二勳敢不避邑乃立城為紇致防而奔齊

此所謂要君也集解

子路曰桓公殺公子糾召忽死之管仲不死曰未仁乎

齊襄公立無常鮑叔牙曰君使民慢亂將作矣奉

公子小白出奔莒襄公從弟公孫無知殺襄公管

夷吾召忽奉公子糾出奔魯齊人殺無知魯伐齊

納子糾小白自莒先入是為恒公乃殺子糾召忽

死也

集解

子曰桓公九合諸侯不以兵車管仲之力也如其仁

如其仁

誰如管仲之仁矣

同上

公叔文子之臣大夫僕與文子同升諸公

大夫僕本文子家臣也薦之使與己並為大夫在

公朝也

集解

子聞之曰可以為文矣

言行如是可諡為文也

同上

子言衛靈公之無道也康子曰夫如是奚而不喪孔

子曰仲叔圉治賓客祝鮀治宗廟王孫賈治軍旅夫

如是奚其喪

言君雖無道所任者各當其才何為當亡乎

集解

公曰告夫三子

謂三卿也

集解

孔子曰以吾從大夫之後不敢不告也君曰告夫三

子者

吾於禮當告君不當告三子今使我往故復往也

同上

子路問事君子曰勿欺之而犯之

皇本也 作之

事君之道義不可欺當能犯顏色諫爭也

集解

子曰古之學者為己今之學者為人

為己履道而行之也為人徒能言之也

集解

蘧伯玉使人於孔子

伯玉衛大夫蘧瑗也

集解

子曰不在其位不謀其政曾子曰君子思不出其位

不越其職也

集解

子貢方人

比方人也

集解○釋文○文選曹子建責躬註注又郭景純遊仙詩注

子曰賜也賢乎我夫哉我則不暇

皇本賢乎下有我夫二字哉下無夫

字

不暇比方人也

集解

子曰不逆詐不億不信抑亦先覺者是賢乎

先覺人情者是寧能為賢乎或時反怨人也

集解

下學而上達

下學人事上知天命也

集解○史記孔子世家集解○後漢書張衡傳注

夫子固有惑志

季孫信讒恚子路也

集解○史記仲尼弟子傳集解

子曰賢者避世

皇本高麗本辟作避下同

世主莫得而臣之也

集解

其次避色

色斯舉也

同上

其次避言

有惡言方去也

同上

子張曰書云高宗諒陰三年不言何謂也

高宗殷之中興王武丁也諒信也陰猶默也

集解

子曰何必高宗古之人皆然君薨百官總己以聽於

冢宰三年

冢宰天官卿佐王治者也三年喪畢然後王自聽

政也

同上

子路問君子子曰脩己以敬

敬其身也

集解

曰如斯而已乎曰脩己以安人曰如斯而已乎曰脩

己以安百姓脩己以安百姓堯舜其猶病諸

人謂朋友九族也病猶難也

同上

以杖叩其脛

叩擊也脛腳脛也

集解○文選殷仲文南州桓公九井詩注又張景陽七命注釋

元應華嚴經音義大哲度論音義並引上句

論語孔氏訓解卷八

衛靈公第十五

衛靈公問陳於孔子孔子對曰俎豆之事則嘗聞之矣軍旅之事未之學也

軍陳行列之法也俎豆禮器也

集解○史記孔子世家集解引首句

明日遂行在陳絕糧從者病莫能興

從者弟子興起也孔子去衛如曹曹不容又之宋

遭匡人之難又之陳會吳伐陳陳亂故乏食也

集解

○史記孔子世家集解引興起也

子曰賜也女以予為多學而識之者與對曰然

然者謂多學而識之也集解

非與

問今不然邪集解

子張書諸紳

紳大帶也集解。史記仲尼弟子傳集解。文選謝惠連雪賦注又蔡伯喈郭有道碑注

子曰直哉史魚邦有道如矢邦無道如矢

衛大夫史鮒也有道無道行直如矢不曲也集解

子曰志士仁人無求生以害仁有殺身以成仁

無求生而害仁死而後成仁則志士仁人不愛其

身也集解

子貢問為仁子曰工欲善其事必先利其器居是邦

也事其大夫之賢者友其士之仁者也皇本高麗本未句有也字

言工以利器為用人以賢友為助也集解

放鄭聲遠佞人鄭聲淫佞人殆

鄭聲佞人亦俱能感人心與雅樂賢人同而使人

淫亂危殆故當放遠之也集解

子曰臧文仲其竊位者與知柳下惠之賢而不與立

也

柳下惠展禽也知其賢而不舉為竊位也集解

子曰躬自厚而薄責於人則遠怨矣

自責己厚責人薄所以遠怨咎也集解

子曰不曰如之何如之何者吾未如之何也已矣

不曰如之何猶言不曰奈是何也如之何者言禍

難已成吾亦無如之何也集解

羣而不黨

黨助也君子雖眾不相私助義之與比也集解

子曰巧言亂德小不忍亂大謀高麗本無則字

巧言利口則亂德義小不忍則亂大謀也集解

子曰當仁不讓於師

言行仁之事不復讓於師行仁急也集解

子曰君子貞而不諒

真正也諒信也君子之人正其道耳言不必有信也集解

子曰事君敬其事而後其食

先盡力然後食祿也集解

子曰辭達而已矣

凡事莫過於實足也辭達則足矣不煩文豔辭也

集解

師冕見及階子曰階也及席子曰席也皆坐子告之

曰某在斯某在斯

師樂人盲者也名冕也歷告以坐中人姓字及所

在處也

集解○世說新語言語篇
劉孝標注引歷告以下

季氏第十六

季氏將伐顓臾冉有季路見於孔子曰季氏將有事

於顓臾

顓臾宓犧之後風姓之國本魯之附庸當時臣屬

魯季氏貪其地欲滅而有之冉有與季路為季氏

臣來告孔子也

集解

孔子曰求無乃爾是過與

冉求為季氏宰相其室為之聚斂故孔子獨疑求

教也

集解

夫顓臾昔者先王以為東蒙主

使主祭蒙山也

同上

且在邦域之中矣

魯七百里之封顯與為附庸在其域中也
上同

是社稷之臣也何以伐為

已屬魯為社稷之臣何用滅之為也
上同

冉有曰夫子欲之吾二臣者皆不欲也

歸咎於季氏也

上同

孔子曰求周任有言曰陳力就列不能者止

周任古之良史也言當陳其才力度己所任以就

其位不能則當止也

集解。文選張茂先答何劭詩注引首句

孔子曰求君子疾夫

疾如彼之言也

集解

舍曰欲之而必更為之辭

皇本高麗本必下有更字

舍其貪利之說而更作它辭是所疾也

上同

丘也聞有國有家者不患寡而患不均不患貧而患不安

國諸侯也家卿大夫也不患土地人民之寡少患

政治之不均平也憂不能安民耳民安則國富

上同

邦分崩離析而不能守也

民有異心曰分欲去曰崩不可會聚曰離析上同

而謀動干戈於邦內

干盾也戈戟也集解。文選王仲宣從軍行注引下句

孔子曰天下有道則禮樂征伐自天子出天下無道

則禮樂征伐自諸侯出自諸侯出蓋十世希不失矣

希少也周幽王為犬戎所殺平王東遷周始微弱

諸侯自作禮樂專行征伐始於隱公至昭公十世

失政死乾侯集解。文選古詩十九首注又陸士衡五等論注並引首句

自大夫出五世希不失矣

季文子初得政至桓子五世為家臣陽貨所囚也

集解

天下有道則政不在大夫

制之由君也集解

天下有道則庶人不議

無所非議也同上

政逮於大夫四世矣

文子武子悼子平子也集解。邢本筆解俱作孔曰皇本作鄭曰

故夫三桓之子孫微矣

論語孔氏訓解 卷八

六經館補校 四十二卷四十二

三桓者謂仲孫叔孫季孫也三卿皆出桓公故曰

三桓也仲孫氏改其氏稱孟氏至哀公皆衰也集解

○文選陸士衡演 連珠注引首句

樂驕樂

恃尊貴以自恣也集解

樂佚遊樂宴樂損矣

宴樂沈荒淫瀆也三者自損之道也同上

孔子曰侍於君子有三愆

愆過也集解

言及之不言謂之隱皇本高麗本無而字

隱匿不盡情實也同上

戒之在得

得貪得也集解○後漢書陳蕃傳注

因而學之又其次也

困謂有所不通也集解

見不善如探湯

探湯喻去惡疾也集解

齊景公有馬千駟

論語卷八 齊景公問政於孔子

千駟四千匹也集解

嘗獨立

獨立謂孔子也集解

邦君之妻君稱之曰夫人夫人白稱曰小童邦人稱

之曰君夫人稱諸異邦曰寡小君異邦人稱之亦曰

君夫人也皇本高麗本末句有也字

小君君夫人之稱也對異邦謙故曰寡小君當此

之時諸侯嫡妾不正稱號不審故孔子正言其禮

也集解

論語孔氏訓解卷九

陽貨第十七

陽貨欲見孔子孔子不見歸孔子豚孔子時其亡也

而往拜之遇諸塗

陽貨陽虎也名虎字貨為季氏家臣而專魯國之

政欲見孔子將使之仕也欲使往謝故遺孔子豚

也豚豕之小者塗道也於道路相逢也集解 孟子

義引無末二句虎也有名虎字貨句季氏上有為字使仕也作將使之仕也豚也下有豚豕之小者

補句據

好從事而亟失時可謂知乎曰不可

言孔子栖栖好從事而數不遇失時不為有知也

集解

孔子曰諾吾將仕矣

以順辭免害也同上

子曰性相近也習相遠也

君子慎所習也集解

子曰唯上知與下愚不移

上知不可使強為惡下愚不可使強為賢也集解

子之武城聞弦歌之聲

子游為武城宰也集解○文選潘安仁贈河陽詩注

夫子莞爾而笑曰割雞焉用牛刀陸德明釋文莞爾本今作莞

言治小何須用大道也集解○史記仲尼弟子傳集解

子游對曰昔者偃也聞諸夫子曰君子學道則愛人

小人學道則易使也

道謂禮樂也樂以和人人和則易使也集解史記仲尼弟

子傳集解

子曰二三子

從行者也

同上

偃之言是也前言戲之耳

戲以治小而用大道也

同上

公山不擾以費畔召子欲往

皇本高麗本弗作不注同

不擾為季氏宰與陽虎共執季桓子而召孔子也

集解○史記孔子世家集解引首句

子路不說曰末之也已何必公山氏之之也

之適也無可之則止耳何必公山氏之適也

集解

恭則不侮

不見侮慢也

集解

敏則有功

應事疾則多成功也

同上

佛肸召子欲往

晉大夫趙簡子之邑宰也

集解○史記孔子世家集解

子路曰昔者由也聞諸夫子曰親於其身為不善者

君子不入也

不入其國也

同上

佛肸以中牟畔子之往也如之何子曰然有是言也

三嫗館補校

不曰堅乎磨而不磷不曰白子涅而不緇

磷薄也涅可以染皁者言至堅者磨之而不薄至

白者染之於涅而不黑喻君子雖在濁亂不能汚

也同上

吾豈匏瓜也哉焉能繫而不食

不得如不食之物繫滯一處也韓愈筆解

曰居吾語女皇本居上有日字

子路起對故使還坐也集解

好仁不好學其蔽也愚

仁者愛物不知所以裁之則愚也集解

好知不好學其蔽也蕩

蕩無所適守也同上

好信不好學其蔽也賊

父子不知相為隱之輩也同上

好剛不好學其蔽也狂

狂妄抵觸人也同上

詩可以興可以觀可以羣可以怨邇之事父遠之事

君

興引譬連類也羣相居切磋也怨刺上政也邇近

也

集解

子曰色厲而內荏譬諸小人其猶穿窬之盜也與

荏柔也謂外自矜厲而內柔佞者也為人如此猶

小人之有盜心也穿穿壁也窬窬牆也

集解

子曰鄙夫可與事君也與哉

言不可與事君也

集解

今之狂也蕩

蕩無所據也

集解

今之矜也忿戾

惡理多怒也

同上

子曰惡紫之奪朱也惡鄭聲之亂雅樂也惡利口之

覆邦家也

皇本者作也

朱正色紫間色之好者惡其邪好而奪正色也利

口之人多言少實苟能說媚時君傾覆其國家也

集解

子曰食夫稻也衣夫錦也於女安乎曰安曰女安則

爲之夫君子之居喪食旨不甘聞樂不樂居處不安

故不為也今女安則為之

皇本高麗本稻下錦下並有也字世說新語規箴篇

注引並有也字皇本日安下有日字

旨美也責其無仁恩於親故再言女安則為之

史記仲尼弟子傳集解

夫三年之喪天下之通喪也

自天子達於庶人也

予也有三年之愛於其父母乎

言子之於父母欲報之德昊天罔極而予也有三

年之愛乎

惡居下而誦上者

漢石經無流字邱尼經音義引

案四輩經音義比並無流字下引孔

注知古論與石經同

誦謗毀也

集解○釋元應四輩經音義又比邱尼經音義

惡微以為知者

微鈔也惡鈔人之意以為己有也

集解

微子第十八

微子去之箕子為之奴比干諫而死孔子曰殷有三

仁焉

二人行異而同仁其憂亂寧民

集解

柳下惠為士師三黜人曰子未可以去乎曰直道而事人焉往而不三黜枉道而事人何必去父母之邦士師典獄之官也苟直道以事人則所至之國俱

當復三黜也

集解。孟子正義引首句作鄭曰

齊景公待孔子曰若季氏則吾不能以季孟之間待

之

魯三卿季氏為上卿最貴孟氏為下卿不用事言

待之以二者之間也

集解。史記孔子世家集解

齊人歸女樂季桓子受之三日不朝孔子行

桓子季孫斯也使定公受齊之女樂君臣相與觀

之廢朝禮三日也

集解

楚狂接輿歌而過孔子之門曰鳳兮鳳兮何德之衰

往者不可諫來者猶可追兮已而已而今之從政者

殆而

皇本孔子下有門字高麗本有之門二字史記孔子世家追字下有兮字並據補

接輿楚人也佯狂而來歌欲以感切孔子也比孔

子於鳳鳥也鳳鳥待聖君而乃見非孔子周行求

合故曰衰也已往所行不可復諫也自今以來可

追自止避亂隱居也已而者言世亂已甚不可復

論語孔氏訓解 卷九

治也再言之者傷之甚也

集解 子世家 史記孔

悠悠者天下皆是也而誰以易之

釋文 酒酒鄭本作 悠悠案文選注引

孔安國亦作悠悠知鄭用古文 今本皆作滔滔何晏從魯論改

悠悠者周流之貌也言當今天

下治亂同空舍此

適彼故曰誰以易之也

集解 史記孔子世家集

序悠悠風塵李善注引孔安國 曰悠悠者周流之貌也據正

鳥獸不可與同羣也

皇本高麗本 羣下有也字

隱居於山林是與鳥獸同羣也

集解 史記孔子 世家集解 文選

劉孝標廣 絕交論注

吾非斯人之徒與而誰與

吾自當與此天下人同羣安能去人從鳥獸居乎

集解

天下有道丘不與易也

言凡天下有道者邱皆不與易也己大兩人小故

也 集解 案邴本不作孔曰史記孔子 世家集解作何曰今從皇本高麗本

植其杖而芸

植倚也除艸曰芸也

使子路反見之至則行矣

集解 史記孔 子世家集解

論語

八

子路反至其家丈人出行不在也同上

子路曰不仕無義長幼之節不可廢也君臣之義如之

何其可廢也皇本高麗本作如之何其可廢也

言汝知父子相養不可廢反可廢君臣之義邪集解

謂柳下惠少連降志辱身矣言中倫行中慮其斯而

已矣

但能言應倫理行應思慮如此而已矣集解

大師摯適齊亞飯于適楚

亞次也次飯樂師也摯于其名也集解○物觀補遺作包曰

播鞀武入於漢釋文鞀亦作鞀案皇本高麗本作鞀

播猶搖也武名也集解○釋文引搖也

少師陽擊磬襄入於海

魯哀公時禮毀樂崩樂人皆去陽襄皆名也集解

周公謂魯公曰君子不弛其親不使大臣怨乎不以

故舊無大故則不棄也無求備於一人今本作不施據釋文作弛

弛以支反釋文魯公周公之子伯禽也封於魯也弛

易也不以它人親易其親也以用也怨不見聽用

也大故謂惡逆之事也集解○釋慧苑華嚴經音義引施易也

論語孔氏訓解 卷九

四十二卷五十二

論語孔氏訓解卷十

子張第十九

子張曰士見危致命見得思義

致命不愛其身也集解

子張曰執德不弘信道不篤焉能為有焉能為亡

言無所輕重也集解

子夏之門人問交於子張

問與人交接之道也集解

子夏曰日知其所亡

日知其所未聞也集解

子夏曰博學而篤志

廣學而厚識之也集解

子夏曰小人之過也必之文皇本必下有之字

文飾其過不言其情實也集解

子夏曰大德不踰閑小德出入可也

閑猶法也小德不能不踰法故曰出入可也集解

子夏聞之曰噫

噫心不平之聲也集解

有始有終者其唯聖人乎山井鼎攷異卒作終

始終如一唯聖人耳集解

子游曰喪致乎哀而止

毀不滅性也集解

子貢曰紂之不善也不如是之甚也是以君子惡居

下流天下之惡皆歸焉皇本高麗本善下有也字

紂為不善以喪天下後世憎甚之皆以天下之惡

歸之於紂也集解

更也人皆仰之

更改也集解

衛公孫朝問於子貢曰仲尼焉學子貢曰文武之道未墜於地在人賢者識其大者不賢者識其小者莫不有文武之道焉夫子焉不學而亦何常師之有

文武之道未墜落於地賢與不賢各有所識夫子無所不從其學也無所不從學故無常師也集解

記仲尼弟子傳集解

夫子之得邦家者所謂立之斯立道之斯行綏之斯來動之斯和其生也榮其死也哀如之何其可及也

謂為諸侯若卿大夫也綏安也言孔子為政其立教則無不立道之則莫不興安之則遠者來至動之則莫不和穆故能生則見榮顯死則見哀痛也

集解

堯曰第二十

舜亦以命禹

舜亦以堯命己之辭命禹也集解

曰予小子履敢用玄牡敢昭告於皇皇后帝

履殷湯名也此伐桀告天文也殷家尚自未變夏

禮故用玄牡也皇大也后君也大大君帝謂天帝

也墨子引湯誓其辭若此也集解

朕躬有罪無以萬方萬方有罪在朕躬皇本高麗本物觀補遺足

利本萬方有罪下不重罪字漢石經同

無以萬方萬方不預也萬方有罪我身過也集解

雖有周親不如仁人

親而不賢不忠則誅之管蔡是也仁人謂箕子微

子來則用之也同上

所重民食喪祭

重民國之本也重食民之命也重喪所以盡其哀

重祭所以致敬也同上

寬則得眾敏則有功公則民說皇本高麗本並無信則民任焉句說上有

民字

政教公平則民說矣凡此二帝三王所以治也故

傳以示後世也集解

論語孔氏訓解卷十一

從政第二十一

集解序齊論有問王知道多於魯論二篇古論亦無此二篇分

堯曰下章子張問以為一篇有兩子張凡二十一篇邢昺疏如淳曰分堯曰篇後子張問何如斯可以從政以下為篇名曰從政

子張問政於孔子曰何如斯可以從政矣子曰尊五

美屏四惡斯可以從政矣皇本高麗本作問政於孔子

屏除也集解○文選稽叔夜琴賦注

君子無眾寡無小大無敢慢

言君子不以寡小而慢之也集解

論語包氏章句卷之二

四十二卷五十七

與民無信而虛刻期也

同上

猶之與人也出內之吝謂之有司

皇本高麗本納作內注同

謂財物也俱當與人而吝嗇於出內惜難之此有

司之任耳非人君之道也

同上

孔子曰不知命無以為君子也不知禮無以立也不

知言無以知人也

釋文皇本高麗本唐宋石經本並作孔子曰○釋文鄭曰魯論無此

章今從古

命謂窮達之命也

集解

論語包氏章句二卷後漢包咸撰咸字子良會稽曲

阿人少為諸生倡魯詩論語舉孝廉除郎中建武中

入授皇太子論語又為其章句拜諫議大夫五年遷

大鴻臚事蹟詳後漢書儒林傳皇侃義疏作苞咸苞

包二字古通當依漢書傳作包何晏論語集解云安

昌侯張禹本受魯論兼講齊說善者從之號曰張侯

論為世所貴包氏周氏章句出焉然則包氏所為章

句蓋用禹說而敷暢其旨度其義例當若鄭元之箋

毛傳惜全書久佚隋唐志皆不及著目猶幸何晏集

論語包氏章句卷上序

鄭媛館補校

解引之什存二三間為哀輯以皇侃邢昺二疏較定
字句更從文選筆解諸書所引合輯為二卷其說如
哀公問社社作主有馬者借人乘之訓有馬不能調
良則借人乘習之三飯四飯云樂章名孰先傳焉孰
後倦焉云先傳業者必先厭倦為難能也云子張容
儀之難及允執其中三句解困為極云為政信執其
中則能窮極四海天祿所以長終之類朱子所不取
其餘皆採入集註特文詞小異耳學者參考同異甄
巖是非先河之義其在斯乎歷城馬國翰竹吾甫

論語包氏章句卷上

後漢 包咸 撰

學而第一

有朋自遠方來

同門曰朋也 何晏集解 文選古詩十
九首李善注 引作鄭曰

孝弟也者其為仁之本與

先能事父兄然後仁道可成也 集解

子曰巧言令色鮮矣仁

巧言好其言語令色善其顏色皆欲令人說之少

能有仁也

集解

子曰道千乘之國敬事而信節用而愛人使民以時
道治也千乘之國者百里之國也古者井田方里
為井十井為乘百乘之國適千乘也為國者舉事
必敬慎與民必誠信節用不奢侈國以民為本故
愛養之作事使民必以其時不妨奪農務

集解 陸德明

釋文引首句蔡模集說
引首句作道猶治也

恭近於禮遠恥辱也

恭不合禮非禮也以其能遠恥辱故曰近於禮也

集解 史記仲尼弟子傳裴駢集解
引作故近於禮韓愈筆解引作馬曰

為政第二

子曰為政以德譬如北辰居其所而眾星共之

德者無為猶北辰之不移而眾星共之

集解 邢
昺疏作包

曰皇侃義
疏作鄭曰

子曰詩三百一言以蔽之曰思無邪

蔽猶當也思無邪歸於正也

集解 釋
文引首句

道之以德

德謂道德

集解
釋文

子游問孝子曰今之孝者是謂能養至於犬馬皆能有養不敬何以別乎

犬以守禦馬以代勞能養人者也一日人之所養

乃能至於犬馬不敬則無以別孟子曰養而不愛

豕畜之也愛而不敬獸畜之也

集解

子夏問孝子曰色難

色難謂承望父母顏色乃為難也

集解 文選 廣微補亡詩注

子曰君子不器

器者各周其用至於君子無所不周也

集解

學而不思則罔

學而不尋思其義理則罔然無所得也

集解

多聞闕疑慎言其餘則寡尤多見闕殆慎行其餘則

寡悔

尤過也疑則闕之其餘不疑猶慎言之則少過也

殆危也所見危者闕而不行則少悔也

集解 史記 仲尼弟

子傳集解文選潘安仁西征賦注又陸士衡文賦注並引首句

哀公問曰何為則民服孔子對曰舉直錯諸枉則民

服

哀公曾君之謚也錯置也舉正直之人廢置邪枉

之人則民服其上矣集解 文選司馬長卿 上林賦注引錯置也句

臨之以莊則敬孝慈則忠舉善而教不能則勸

莊嚴也君臨民以嚴則民敬其上也君能上孝於

親下慈於民則民忠矣舉用善人而教不能者則

民勸也集解

或謂孔子曰子奚不為政子曰書云孝于惟孝友于

兄弟施於有政是亦為政奚其為為政

或人以居位乃是為政也孝于惟孝者美大孝之

辭也友于兄弟善於兄弟也施行也政所施行也

所行有正這即是與為政同耳集解 文選潘安 仁閒居賦注又王

仲宣詠史詩注 引施行也一句

大車無輓小車無軌

大車牛車輓者轅端橫木以縛輓者也小車駟馬

車也輓者轅端上曲鉤衡者也集解 文選王子 淵四子講德論注

引輓者 一句

八佾第三

三家者以雍徹子曰相維辟公天子穆穆奚取於三

家之堂

辟公謂諸侯及二王之後也穆穆天子之容也雍
篇歌此曲者有諸侯及二王之後來助祭故也今
三家但家臣而已何取此義而作之於堂邪集解

子曰人而不仁如禮何人而不仁如樂何

言人而不仁必不能行禮樂也集解

禮與其奢也寧儉喪與其易也寧戚

易和易也言禮之本意失於奢不如儉也喪失於

和易不如哀戚也集解 釋文引首句

不如諸夏之亡也

諸夏中國也亡無也集解

子曰嗚呼曾謂泰山不如林放乎

神不享非禮林放尙知問禮泰山之神反不如林

放邪欲誣而祭之也集解

起予者商也始可與言詩已矣

予我也孔子言子夏能發明我意可與共言詩已

矣集解 史記仲尼弟 子傳集解引下二句

子曰夏禮吾能言之杞不足徵也殷禮吾能言之宋

不足徵也

徵成也杞宋二國名也夏殷之後也夏殷之禮吾能說之杞宋之君不足以成之也集解 史記孔子世家集解知其說者之於天下也其如示諸斯乎指其掌

孔子謂或人言知禘禮之說者於天下之事如指示以掌中之物言其易了也集解

子曰吾不與祭如不祭

孔子或出或病而不自親祭使攝者為之故不致敬於心與不祭同也集解 儀禮特牲饋食疏引作鄭注故不致敬作不致肅

敬

子入太廟

太廟周公廟也孔子仕魯魯祭周公而助祭也集解

子貢欲去告朔之餼羊子曰賜也爾愛其羊我愛其

禮

羊在猶所以識其禮也羊亡禮遂廢也集解

哀公問主於宰我孔穎達正義引張包周本

主廟主春秋左傳文二年正義引張包周等

成事不說遂事不諫既往不咎

事已成不可復解說也事已遂不可復諫止也事

已往不可復追咎也孔子非宰我故歷言三者欲

使慎其後也

集解

或曰管仲儉乎曰管氏有三歸官事不攝焉得儉

或人見孔子小之以為謂之太儉乎三歸者娶三

姓女也婦人謂嫁曰歸攝猶兼也禮國君事大官

各有人大夫兼并今管仲家臣備職非為儉也

集解

史記禮書集解引上三句文選
劉越石勸進表注引攝猶兼也句

然則管仲知禮乎

或人以儉問故答以安得儉或人聞不儉更謂為

得知禮也

集解

從者見之

從者是弟子隨孔子行者也通使得見者也

集解

里仁第四

仁者安仁

惟性仁者自然體之故謂安仁也

集解

小人懷惠

惠恩惠也

集解

不能以禮讓為國如禮何

如禮何者言不能用禮也

集解

子曰不患無位患所以立不患莫己知求為可知也

求善道而學行之則人知己也

集解

見賢思齊焉

思與賢者等也

集解

子曰事父母幾諫見志不從又敬不違勞而不怨

幾微也言當微諫納善言於父母也見志者見父

母志有不從己諫之色則又當恭敬不敢違父母

意而遂己之諫也

集解

子曰古者言之不出恥躬之不逮也

古人之言不妄出口為恥其身行之將不及也

集解

子曰君子欲訥於言而敏於行

訥遲鈍也言欲遲鈍而行欲敏也

集解 釋文引首句釋元應大

智度論音義法句經音義並引首句

子游曰事君數斯辱矣朋友數斯疏矣

數謂速數之數

韓愈筆解

公治長第五

子謂子賤君子哉若人魯無君子者斯焉取斯

若人者若此人也如魯無君子子賤安得取此行

而學行之

集解

又選曹子建與楊德祖書注引

引如魯無君子子賤安取此學而行

瑚璉也

瑚璉者黍稷器也夏曰瑚殷曰璉周曰簠簋宗廟

器之貴者也

集解

史記仲尼弟子傳集解顧野王玉篇並引上四句

子曰弗如也吾與女弗如也

既然子貢不如復云吾與女俱不如者蓋欲以慰

子貢心也

集解

宰予晝寢

宰予弟子宰我也

集解

邢本作孔曰今從皇侃本

朽木不可彫也

朽腐也彫彫琢刻畫也

集解

史記仲尼弟子傳集解

申枨

申枨魯人也

集解釋文

子曰臧文仲居蔡山節藻稅何如其知也

臧文仲魯大夫臧孫辰也文諡也蔡國君之守龜

也出蔡地因以為名焉長尺有二寸居蔡僭也節

者柄也刻鏤為山也稅者梁上楹也畫為藻文言

其奢侈也

集解 文選王文考魯靈光殿賦任彦升竟陵王行狀注引稅者三句謝惠連

雪賦注引稅者梁上楹也

子曰已矣乎吾未見能見其過而內自訟者也

訟猶責也言人有過莫能自責者也

集解 釋文 維摩經音義

並引 首句

雍也第六

子曰雍也可使南面

可使南面者言任諸侯可使治國政也

集解 釋文 文木作言

任諸侯治一本無治字一本言任諸諸治國也史記仲尼弟子傳集解引可使南面言任諸侯之治

文選陸士衡五等論注引作諸侯之治也

無乃太簡乎

伯子之簡太簡也

集解

與之庾

十六斗為庾也

集解 史記仲尼弟子傳集解文選虞子陽詠霍將軍北伐詩注又

任彥昇奏 彈劉整注

原思為之宰

弟子原憲思字也孔子為魯司寇以原憲為家邑

宰也集解

由也果

果謂果敢決斷也集解

伯牛有疾子問之自牖執其手

牛有惡疾不欲見人故孔子從牖執其手也集解

記仲尼弟子傳集解

斯人也而有斯疾也斯人也而有斯疾也

再言之者痛惜之甚也集解 史記仲尼弟子傳集解

子游為武城宰子曰女得人焉爾乎曰有澹臺滅明者行不由徑非公事未嘗至於偃之室也

武城魯下邑也澹臺姓滅明名也字子羽言其公

且方也集解 史記仲尼弟子傳集解無字子羽句

子曰質勝文則野文勝質則史文質彬彬然後君子

野如野人言鄙略也史者文多而質少也彬彬文

質相半之貌也集解 文選楊子幼報孫會宗書注引未句陸士衡文賦注引作孔

曰

子曰人之生也直罔之生也幸而免

四十一卷六十九
誣罔正直之道而亦生者是幸而免也集解

子曰知之者不如好之者好之者不如樂之者

學問知之者不如好之者篤好之者又不如樂之

者深也集解

敬鬼神而遠之

敬鬼神而不黷也集解

子曰知者樂水仁者樂山知者動仁者靜知者樂仁者壽

知者樂運其才知以治世如水流而不知已也日

進故動也性靜故壽考也集解

子曰齊一變至於魯魯一變至於道

言齊魯有周公大公之餘化也大公大賢周公聖

人今其政教雖衰若有明君興之者齊可使如魯

魯可使如大道行之時也集解

述而第七

子曰述而不作信而好古竊比於我老彭

老彭殷賢大夫好述古事我若老彭但述之耳集解

釋文引首句筆解作祖述之而已

子曰天生德於予桓魋其如予何

桓魋宋司馬黎也天生德於予者謂授我以聖性也合德天地吉而無不利故曰其如予何也集解

記孔子世家集解陳氏論語古訓曰鱣按司馬黎集解俱誤當作司馬犁兄也

子曰二三子以我為隱乎吾無隱乎爾吾無行而不與二三子者是丘也

二三子謂諸弟子也聖人知廣道深弟子學之不能及以為有所隱匿故解之也我所為無不與爾共之者是丘之心也集解

子曰蓋有不知而作之者我無是也多聞擇其善者而從之多見而識之知之次也

時人有穿鑿妄作篇籍者故云然也集解

子曰仁遠乎哉我欲仁斯仁至矣

仁道不遠行之則至是也集解

正唯弟子不能學也

正如所言弟子猶不能學况仁聖乎邢疏作馬曰

解作包曰今兩存之

子路請禱

言言全通今
禱禱請於鬼神也

集解 世說新語 德行篇 劉孝標注

四十二卷之十一

泰伯第八

君子篤於親則民興於仁故舊不遺則民不偷

興起也君能厚於親屬不遺忘其故舊行之美者

也則民皆化之起為仁厚之行不偷薄也

集解

曾子言曰鳥之將死其鳴也哀人之將死其言也善

欲戒敬子言我將死言善可用也

集解

簋豆之事則有司存

敬子忘大務小故又戒之以此也簋豆禮器也

集解

犯而不校

校報也言見侵犯而不校之也

集解

曾子曰士不可以不弘毅任重而道遠

弘大也毅強而能決斷也士弘毅然後能負重任

致遠路也

集解

子曰興於詩立於禮成於樂

興起也言修身當先學詩也禮者所以立身樂所

以成性

集解 皇本末句作孔 安國曰邢曷作包曰

子曰好勇疾貧亂也人而不仁疾之已甚亂也

好勇之人而患疾已之貧賤者必將為亂疾惡太

甚亦使其為亂

集解 皇本末二句作
孔安國曰 那本作包曰

子曰篤信好學守死善道危邦不入亂邦不居

言行當常然也危邦不入謂始欲往也亂邦不居

今欲去也臣弑君子弑父亂也危者將亂之兆也

集解

恇恇而不信

恇恇懋懋也宜可信也

集解

蕩蕩乎民無能名焉

蕩蕩廣遠之稱也言其布德廣遠民無能識其名

焉

集解

三分天下有其二以服事殷周之德其可謂至德也已矣

殷紂淫亂文王為西伯而有聖德天下之歸周者

三分有二而猶以服事殷故謂之至德也

集解

卑宮室而盡力乎溝洫

方里為井井間有溝溝廣深四尺十里為成成間

有洫洫廣深八尺也

集解 釋惠苑
華嚴經音義下

子罕第九

子罕言利與命與仁

寡能及之故希言韓愈筆解

子畏於匡

匡人誤圍夫子以為陽虎陽虎嘗暴於匡夫子弟

子顏尅時又與虎俱行後尅為夫子御至於匡匡

人相與共識尅又夫子容貌與虎相似故匡人以

兵圍之集解

太宰知我乎吾少也賤故多能鄙事君子多乎哉

多也

我少小貧賤常自執事故多能為鄙人之事君子

固不當多能也集解

子見齊衰者冕衣裳者與瞽者見之雖少必作過之

必趨

冕者冕冠也大夫之服也瞽者盲者也集解 史記孔子世

引瞽盲作起也趨疾行也此夫子哀有喪尊有位

恤不成人也集解

顏淵喟然歎曰仰之彌高鑽之彌堅瞻之在前忽焉

在後

恍惚不可得而形容韓愈筆解

子疾疢

疾甚曰病也集解周禮天官疾醫疏引作鄭注

子曰賈之哉賈之哉我待賈者也洪邁隸釋石經作賈之哉下書包周

賈之哉不待賣之辭也我居而待賈者也集解

逝者如斯夫

逝往也言凡往者如川之流也集解文選潘安仁秋興賦注皇

侃本作鄭曰邢本高麗本文選注俱作包曰

子曰譬如爲山未成一簣止吾止也譬如平地雖覆一簣進吾往也

簣土籠也此勸人進於道德也爲山者其功雖已多未成一籠而中道止者我不以其前功多而善之也見其志不遂故不與也集解

子謂顏淵曰惜乎吾見其進也未見其止也集解皇侃本作馬曰邢

本高麗本俱作包曰

知者不惑

不惑亂也

集解

鄉黨第十

足躩如也

盤辟貌也

集解釋文

過位

過君之空位也

集解

執圭鞠躬如也如不勝

為君使以聘問鄰國執持君之圭鞠躬者敬慎之

至也

集解

康子饋藥拜而受之曰丘未達不敢嘗

饋孔子藥

集解

疾君視之東首加朝服拖紳

夫子疾也處南牖之下東首加其朝服拖紳紳大

帶也不敢不以朝服見君也

集解

寢不尸

不偃卧四體布展手足如死人也

集解

車中不內顧不疾言不親指

車中不內顧者前視不過衡柅旁視不過轡轂也

六 鄭煥館補校

集解

玉函山房輯佚書目

卷四十三

經編論語類

論語包氏章句下卷 後漢包咸

論語周氏章句一卷 後漢周氏

論語馬氏訓說二卷 後漢馬融

論語鄭氏注一至四卷 後漢鄭元

論語包氏章句卷下

先進第十一

子曰先進於禮樂野人也後進於禮樂君子也

先進後進謂士先後輩也禮樂因世損益後進與

禮樂俱得時中斯君子矣先進有古風斯野人也

集解 邢本作孔曰皇本高麗本無孔曰字又皇本仕作士案釋文出先進云包云仕進也是陸以此注為包注

如用之則吾從先進

將移風易俗歸之純素先進猶近古風故從之

論語包氏章句

卷下

一 嬖僇能補校

邢本脫包曰皇
本高麗本有之

顏淵死子曰噫天喪予天喪予

噫痛傷之聲也

集解
釋文

子路問聞斯行諸

賤窮救乏之事也

集解 史記仲
尼弟子傳集解

子在回何敢死

言夫子在己無所敢死也

集解 史記孔
子世家集解

子路使子羔為費宰子曰賊夫人之子

子羔學未熟習而使為政所以賊害人也

集解
史記仲

尼弟子
傳集解

攝乎大國之間

攝迫乎大國之間也

集解

莫春者春服既成冠者五六月童子六七月浴乎沂

風乎舞雩詠而歸

莫春季春三月也春服既成者衣單袷之時也我

欲得冠者五六月童子六七月浴於沂水之上風

涼於舞雩之下歌詠先王之道而歸夫子之門也

集解 史記仲尼弟子傳集解韓愈
筆解皆作孔曰皇本邢本作包曰

為國以禮其言不讓是故哂之

為國以禮禮道貴讓子路言不讓故笑之也集解

顏淵第十二

顏淵曰請問其目

知其必有條目故請問之也集解

在邦無怨在家無怨

在邦為諸侯也在家為卿大夫也集解 史記仲尼弟子傳集解

內省不疚

疚病也自省無罪惡無所可憂懼也集解 史記仲尼弟子傳

集解

子夏曰商聞之矣死生有命富貴在天君子敬而無失與人恭而有禮四海之內皆兄弟也君子何患乎無兄弟也

君子疏惡而友賢九州之人皆可以禮親也集解

子張問崇德辨惑

辨別也集解

徙義

徙義見義則徙意而從之也集解

愛之欲其生惡之欲其死既欲其生又欲其死是惑也

愛惡當有常一欲生之一欲死之是心惑也集解

聽訟吾猶人也

言與人等也集解

樊遲從遊於舞雩之下

舞雩之處有壇墠樹木故其下可遊也集解

舉直錯諸枉能使枉者直

舉正直之人用之廢置邪枉之人則皆化爲直也

集解

子貢問友子曰忠告而善道之不可則止毋自辱焉
忠告以是非告之也以善道導之不見從則止必
言之或見辱也集解

子路第十三

子將奚先

問往將何所先行也集解 史記孔子世家集解

有是哉子之迂也

迂猶遠也言孔子之言疏遠於事也集解 史記孔子世家集解

解 釋文 引首句

君子於其所不知蓋闕如也

君子於其所不知當闕而勿據今由不知正名之

義而謂之迂遠也集解

名不正則言不順言不順則事不成事不成則禮樂

不興禮樂不興則刑罰不中

禮以安上樂以移風二者不行則有淫刑濫罰也

集解 邢疏本史記孔子世家 集解皆作孔曰皇侃本作包曰

夫如是則四方之民襁負其子而至矣焉用稼

禮義與信足以成德何用學稼以教民乎負者以

器曰襁也集解 史記仲尼弟子傳 集解作負子之器曰襁

子曰魯衛之政兄弟也

魯周公之封衛康叔之封也周公康叔既為兄弟

康叔睦於周公其國之政亦如兄弟也集解

雖之夷狄不可棄也

雖之夷狄無禮義之處猶不可棄去而不行也集解

子曰不得中行而與之必也狂狷乎狂者進取狷者

有所不為也

中行行能得其中者也言不得中行則欲得狂狷

者狂者進取於善道狷者守節無為欲得此二人

者以時多進退取其恒一者也集解 釋元應大智度論音義引上

二句

善夫

善南人之言也集解

亦可以即戎矣

即就也戎兵也言可以攻戰也集解

憲問第十四

克伐怨欲不行焉可以為仁矣子曰可以為難矣仁則吾不知也

此四者行之難者未足以為仁也集解 史記仲尼弟子傳集解

引作鄭曰

邦有道危言危行

危殆也邦有道可以危言行也集解 左傳序正義何晏以危為厲

邢本作殆

微生畝謂孔子曰丘何為是栖栖者與無乃為佞乎

孔子曰非敢為佞也疾固也

微生姓畝名也病世固陋欲行道以化人也集解

子曰作者七人矣

作為也為之者凡七人謂長沮桀溺丈人石門荷

蕢儀封人楚狂接輿也集解文選范蔚宗逸

民傳論注引七人至末

是知其不可而為之者與

言孔子知世不可為而強為之也集解

深則厲淺則揭

以衣涉水曰厲揭揭衣也言隨世以行已若過水

必以濟知其不可則當不為也集解

子曰吾見其居於位也見其與先生並行也非求益者也欲速成者也

先生成人也並行不差在後也違禮欲速成者也

則非求益者也集解

衛靈公第十五

立則見其參於前也在與則見其倚於衡也夫然後行

衡輓也言思念忠信篤敬立則常想見參然在目

前在與則若倚衡輓也集解史記仲尼弟子傳集解

邦無道則可卷而懷之

卷而懷謂不與時政柔順不忤於人也集解

服周之冕

冕禮冠也周之禮文而備也取其黻纁塞耳不任

視聽也集解

子曰君子病無能焉不病人之不已知也

君子之人但病無聖人之道不病人之不知己也

集解

子曰君子矜而不爭

矜矜莊也集解

子曰君子不以言舉人

有言者不必有德故不可以言舉人也集解

如有所譽者其有所試矣

所譽輒試以事不虛譽而已矣集解

斯民也三代之所以直道而行也

三代夏商周也文選陸士衡五等論注引包咸曰

子曰吾猶及史之闕文也有馬者借人乘之今亡已

夫

古之良史所書字有疑則闕之以待知者也有馬不能調良則借人乘習之孔子自謂及見其人如此至今無有矣言此者以俗多穿鑿也

集解

子曰知及之仁不能守之雖得之必失之知及之仁能守之不莊以涖之則民不敬

知能及治其官而仁不能守雖得之必失之也不嚴以臨之則民不敬從其上也

集解

季氏第十六

危而不持顛而不扶則將焉用彼相矣

言輔相人者當能持危扶顛若不能何用彼相為也

集解

蓋均無貧和無寡安無傾

政教均平則不患貧矣上下和同不患寡矣大小

安寧不傾危也

集解

而在蕭牆之內也

洪邁隸釋漢石經論語而在於蕭牆之內下載盡毛包周無於

陽貨第十七

子曰小子何莫學夫詩

論語包氏章句

卷下

九 鄭媛館補校

小子門人也

集解

子曰古者民有三疾今也或是之亡也

言古者民疾與今時異也

集解

古之狂也肆

肆極意敢言也

集解 文選任彦昇奏彈劉整注

惡鄭聲之亂雅樂也

鄭聲淫聲之哀者惡其亂雅樂也

集解 皇本作奪那本作亂

惡稱人之惡者

好稱說人之惡所以為惡也

集解 邢本作可惡皇本作為惡

惡訐以為直者

訐謂攻發人之陰私也

集解 釋文引攻人陰私

微子第十八

孔子下

下下車也

集解 釋文

子路從而後遇丈人以杖荷篠

丈人老者也篠竹器

集解 史記孔子世家集解引作草器名

丈人曰四體不勤五穀不分孰為夫子

丈人云不勤勞四體不分殖五穀誰為夫子而索

之耶集解 史記 孔子世家集解

欲潔其身而亂大倫君子之仕也行其義也道之不行已知之矣

偷道也理也言君子之仕所以行君臣之義也不

必自己道得行也孔子道不見用自已知之也集解

逸民伯夷叔齊虞仲夷逸朱張柳下惠少連

此七人皆逸民之賢者也集解

隱居放言

放置也不復言世務也集解 史記 孔子世家集解

三飯繆適蔡四飯缺適秦

三飯四飯樂章名也各異師繆缺皆名也集解

鼓方叔入於河

鼓擊鼓者方叔名也入謂居其河內也集解

周有八士

周時四乳生八子皆為顯士故記之爾集解

子張第十九

子夏之門人問交於子張子張日子夏云何對日子

夏曰可者與之其不可者拒之子張曰異乎吾所聞

君子尊賢而容衆嘉善而矜不能我之大賢與於人何所不容我之不賢與人將拒我如之何其拒人也

友交當如子夏汎交當如子張

集解

致遠恐泥

泥難不通也

集解

子夏日百工居肆以成其事君子學以致其道

言百工處其肆則事成猶君子學以立其道也

集解

子游日子夏之門人小子當洒掃應對進退則可矣抑末也本之則無如之何

言子夏弟子但於當對賓客修威儀禮節之事則

可然此但是人之末事耳不可無其本也故云本

之則無如之何也

集解

君子之道孰先傳焉孰後倦焉

言先傳業者必先厭倦故我門人先教以小事後

將教以大道也

集解

子游日吾友張也爲難能也然而未仁

言子張之容儀之難及也

集解

孟氏使陽膚爲士師

孟氏使陽膚爲士師

陽膚曾子弟子也士師典獄官也集解

夫子之墻數仞

七尺曰仞也集解文選潘安仁西征賦注又陸士衡文賦注又司馬紹統贈山濤詩

注

夫子之云

夫子指武叔也集解

堯曰第二十

允執其中四海困窮天祿永終

允信也困極也永長也言為政信執其中則能亨

極四海天祿所以長終也集解

有罪不敢赦

從天奉法有罪者不敢擅赦也集解皇本作天那本作順

帝臣不蔽

桀居帝臣之位罪過不可隱蔽韓愈筆解

謹權量

權秤也量斗斛也集解

詩言化上玉在

卷一

四十三卷十四

<p>天不遺物 天不遺物 天不遺物</p>	<p>天不遺物 天不遺物 天不遺物</p>	<p>天不遺物 天不遺物 天不遺物</p>	<p>天不遺物 天不遺物 天不遺物</p>	<p>天不遺物 天不遺物 天不遺物</p>	<p>天不遺物 天不遺物 天不遺物</p>
---	---	---	---	---	---



